

VD R O N E.

49

Clara (herede altera Gilberti *Clare* fratris sui) qui a suis interfectus Elizabetham unicam filiolarum reliquit, quam Leonello Clarentiæ Duci enupta. Per hujus vero unicam filiam ad Mortuomarios, & ab illis rursum per filiam ad Richardum Ducem Eboracensem Ultoniæ titulus est devolutus, cujus filius Edvardus 1111. Rex Angliæ factus patrimonio sive Domanio, ut vocant, regio adjunxit. Quo tempore cum Angliæ in partes discederet, inter alios exardescente bello, & Angli qui meruerunt, Ultonia relicta, domum profecti partes sequeretur, O--Neale, & alii Hibernicæ originis in has regiones involarunt, & ita barbarie effecerunt, ut nihil supra. Dividitur in Citeriorem & Ulteriorem. Citerior tres habet Comitatus, *Louth, Down & Antrimme*: Ulterior septem, *Monahan, Tiroen, Armack, Colrane, Donergall, Fermanagh, & Cavan*. Ptolemæi vero ætate hanc universam incoluerunt *Voluntij, Darni, Robogdij & Erdini*. Voluntij, unde *Guly, & Vister* forsitan profluxerunt, tenuerunt tres Comitatus *Down, Antrimme, & Louth*, qui & *Jriel* dicitur, cujus Comitem primum Ioannem *Brimicham* creavit Rex Edvardus secundus, quod iusto prælio Edvardum Brusium Scotum, qui se Hiberniæ Regem declaraverat, ad *Dundalk* opidum maritimum profligavit, & occidit. Regiones etiam adjunctas insederunt, quarum nomina Latino sermone eloqui vix datur, *Tiroen* scilicet, quam nonnulli *Eugenij terram* latine interpretantur, *Bremy, Ineagh, Mourne*, & regiones illas quas Anglica *Fitz-Urforum* familia occupat, qui nunc degeneres eodem sensu *Mac Mahon*, i. *Ursh filij* appellantur, cum *Kilvvarny, & Kilulto* silvis densissimis, & *Cherfonesis* duabus *Lecale & Arde*. Nihil in his memoratu dignum occurrit nisi Hibernicos Regulos commemorare velim. Melioris notæ inter urbes solummodo *Armach* sedes Archiepiscopi & totius Hiberniæ Metropolis, ab *Armacha* Regina sic dictam fabulantur Hibernici: sed *Camdeno* eadem esse videtur, quam *Dearmach* vocat *Beda*: & *Ruborum Campum*, ex lingua Scotica sive Hibernica interpretatur, Regio multis & immensis Lacubus interfusa, inter quos *Lacus Eaugh* qui statim ab *Armach*, late diffunditur: & ad Orientem solem *Kilulto, Kilvvarney, & Dyffrin* silvæ impeditiores usque ad sinum illum pertingunt, qui angusto meatu admissus ita se insinuat, & variis recessibus terram excavat, ut duas faciat *Cherfonesos*. *Lecale* ad Meridiem, & *Arde* ad Aquilonem. *Lecale* totius Hiberniæ longissimè in Ortum prominet, extremumque ejus Promontorium, quod nunc nautis *S. Johns Foreland*, Ptolemæo *Isanum* vocatur, forsitan a Britannico *Isa*, quod infimum sonat. In ipsius Isthmo *Dunum* floruit, cujus meminit etiam sed non suo loco Ptolemæus, nunc *Down* vetustæ sane memoriæ opidum, sedes Episcopalis. *Arde* è regione jacet tenui alveo divisa, quam *Savagi* Anglica familia jam degener olim occupavit, & in quam *Thomas Smith* Eques Auratus, & Regiæ a secretis præclaro ausu, sed infesto fato *Coloniam* non ita pridem duxit: filium enim naturalem, quem præfecerat ex insidiis interceptum canibus objecerunt Hibernici, cujus immanitatis pœnas perditissimi illi rebelles postea gravissimas persolverunt, interfecti, & Lupis in prædam dati. Sunt & alii *Lacus*, de quibus in generali descriptione mentio a nobis facta est. Inter fluvios primum *Vinderius* fluvius occurrit, qui nunc *The Bay of Knockfergus*, ab imposito opido munito & portu tuto, quem Angli *Knockfergus*, Hibernici *Caregfergus* vocant, id est *Fergusi* scopulus, quod nomen a *Fergusio* ibi submerso invenit. Deinde *Banna* eximia, ut inquit *Giraldus*, pulchritudinis fluvius, quod nomen testatur,

Lacus.

Fluvius.